



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 50. Quid dicendum sit de illo, qui partim bonâ partim malâ fide possedit rem alienam.

urn:nbn:de:hbz:466:1-42561

Q. 30. *Quid dicendum sit de illo, qui partim bona 239
partim mala fide possedit rem alienam.* R^c. Seqq. §. 1.
Si bona fide cœpit, sed postea mala fide superveniente consumpsit, tenetur ex re accepta restituere pro tempore bonæ fidei, sed à tempore mala fidei tenetur etiam ex injusta acceptance ad omnia damna, uti hactenus dictum est, docentq; omnes communiter cum Lugo d. 17. n. 68., & habetur in Nire canonico Cap. Virgo. 34. q. 2., item in jure civili L. 23. ff. De acq. rer. dominio. Ratio est, quia in ordine ad mores perinde est, sive accipias sive retineas injuste, cùm utrobius idem jus alienum violes & simile damnum cauſes, si postmodum consummas. Nec obstat, L. 25. ff. *De usuris*, ubi dicitur eum, qui cognovit fundum esse alienum, adhuc facere fructus suos, donec evincatur fundus, nam hoc dato, non sequitur non esse obligationem restituendi, hoc enim dominum, quod acquirit, est tale, quale acquirit fur miscens cum suis pecunias alienas, quas tamen tenetur restituere.

§. 2. *Si prius mala fide possedit & consumpsit 240
partem, sed postea cum titulo apparenter justo bona fide consumat reliquum, si re ipsa Jus non habuit, idque postmodum resciat, tenetur ex injusta acceptance pro tempore mala fidei; nec juvat illum bona fides post consumptionem superveniens: è contrà tenetur ex re accepta tantum à tempore bonæ fidei, nam mala fides præcedens non fuit causa posterioris damni, quia fuerat purgata per bonam fidem supervenientem, unde in ordine ad sequens tempus erat moraliter, ac si non præcessisset mala fides.*

241 §. 3. Si priùs possedisti malâ fide , sed nihil consumpsisti , nisi postquam supervenerat bona fides , non teneris restituere , nisi ex re accepta , quantum factus es ditior , ob rationem jam datum ; quod Lugo confirmat hoc exemplo , nam si post tempus malæ fidei voluisses domino reddere rem suam , qui tamen dixisset , ut retineres , donec reposceret , si res hoc postremo tempore absque tua culpa periisset , causa hujus damni non esset tua prior injuria , sed hæc justa retentio , ergo idem est in nostro casu .

242 Q. 51. Qualis sit obligatio restituendi res per parva furtata sublatas. R. §. 1. Rem quantumcumque levem ablatam teneris sub veniali restituere ; hinc si nulla causa rationabilis te excusat , non potes ab eo peccato absolvi , nisi restituas , secundum illud S. August. Non dimittitur peccatum , nisi restituatur ablatum , ita omnes & speciatim citatin. 191. cum Tamb. I. 8. t. 3. c. 2. §. 5. n. 2. Ratio est , quia talis nolens restituere vult continuare illud leve furtum , volens autem continuare de illo non dolet , ergo nec potest ab eo absolvi : potest tamen facilè esse justa causa excusans à restitutio- ne , & sæpe potest præsumi consensus domini. Notat autem rectè Less. I. 2. c. 12. n. 50. semper expedire , ut Confessarius , etiam pro pœnitentia , injungat restitutionem rei illius levis ablatæ aut ut tantundem det pauperibus , ne ex suo pec- cato reportet commodum , utque magis absti- reatur , alioquin homines fiunt ad hujusmodi furtula faciliores & ad majora gradum faciunt: an autem restitutio rei levis possit præcipi sub excommunicatione , videri potest Dicast. de Re- stit. d. 9. à n. 34.

§. 2.